

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Joh. Jonstoni Thaumatographia Naturalis**

**Jonston, Jan**

**Amstelodami, 1661**

Caput XXXVI

**urn:nbn:de:bsz:31-97032**

Horret summo opere testudinem. Hujus rei, inquit Erafmus in colloquio, quidam dedit nobis Romæ specimen. Puero suo in verticem imposuit testudinem, & pileo contexit. Dein produxit ad simium. Illico simius gaudens insiliit in humeros pueri venaturus pediculos, sublato pileo animadvertit testudinem. Mirum erat spectaculum quanto cum horrore resiliens bestia, quam expaverit, quam timide respexerit, an sequeretur testudo. Additum est aliud specimen. Alligavimus testudinem catena, à qua revinctus erat simius, ut effugere non posset, quin saltem aspiceret. Incredibile dictu quantopere fuerit discruciatu: tantum non metu exanimabatur: interdum posterioribus pedibus depellere tentavit hærentem bestiam. Tandem quicquid erat in alvo & vesica onerum rejecit. Secuta est ex pavore febris, ut nobis fuerit solvendus à catena, & aqua vino temperata refocillandus.

CAPUT XXXVI.  
DE SU & SUBO.

SVapud Patagonas est bestia monstruosissima. Cattelos in dorsum admissos cauda tegit, venator cum sequitur, sic se protipit. Scrobe igitur effossa, & frondibus obtecta capitur. Capta interficit præ rabie cattulos, & clamore horrendo terret venatores. Thuret in *descript. America*. Subus à *φύλιος* est, geminis armatus cornibus. In mari natantem piscium comitatur gregem, osculantur paguri, oculata multi, & astaci: ac ille contemnens amicitiam, prædam omnes esse jubet. *Gillius*.

CAPUT XXXVII.  
DE SUE.

DE Sue quæ dicuntur, in pauca contrahemus. Notum nobis animal; ac in Arabia non vivit. *Plinius*. in Hispaniolam deductum, mulam æquat: *Martius*.